




**Warhafftige anzey-
gung der grausamen / er-
schrocklichen übergießung der Tiber zu
Rom / vnd des mörs in Se-
landt vnd Flan-
dern / ic.**

In disem 1530. jar geschehen.



Luce 22.

Es werden zeychen geschehen an der Sonnen
vnd Mon / vnd stern / vnd auff erden wirdt den
menschē bang sein / das sie nit wissen wo hinauß
Vnd die wasservogen werden brausen / ic.



S ist auß Rom geschriben/das auff sam-
stag nach Francisci / den achten tag des
monats Octobris vmb die eylfften stund
in der nacht sich vnuersehenlich ein solchs
groß / vnd zu Rom vnerhötes gewesser vnd auß-
fluß der Tiber erhaben vñ erregt hatt / das menig-
lich in die höchsten verzweyfflung gefallen / vnd
gemaynt Rom würde vntergeen / vnd der jüngst
tag were vorhanden.

Dasselbig wasser ist also gestanden biß in vier vnd
zwainzig stund / vnd an leütten / güttern / häusern
vnd vihe / grossen / grausamen / vnd vnergetzlichen
schaden gethon / Ist auff dem Camposfor eines für-
spieß hoch gestanden / vnnnd sibben spannen höher /
dann es vor zeytten bey Babst Alexanders regierüg
da auch ein groß gewesser gewesen / für gefallen /
wie das bey der Tiberprucken daselbst vermerckt
befunden wirdt.

An der Engelpucken hat es ein grossen tayl inn
grundt zerrissen / auch sonst gemeinglich andere pui-
cken zerprochen vnd wegt geführt / die muren am
wasser zum tayl eingeworffen / vnd ein gütten tayl
der strassen vorm Pallatio gegen dem wasser gentz-
lich versenckt / Etlich mülen hinweg geführt vnd zer-
stossen / über die techer bey Maria de Populo / auch
über vill andere grosse heuser / besonder über das
Pallast / wie man sagt / das der Cardinal Neapolis
tan / vnd vormalß sanct Crucis ingehabt hat / auß-

geloffen/vnd dadurch vill volcks / sambt den heu-
fern zu grundt vnd boden gangen.

Es sein etlich auß iren heusern den pferden biss
an die beuch im wasser geritten / vnd mit not auff
etlich berg fliehen vnd entrinnen mögen / Etlich
aber über die rechet in andere heuser gestigen / vnd
besorgt das die heuser / wie etlichen orten beschehen
verfallen vnd versincken möchten.

In der strass die man nent Julia / das ist die der
Bapst Julius gepaut hat / ist überauff ein schöner
newer Pallast gewesen / so vor jaren herr Eusebi-
us / ein treffenlicher Official / etwa ein Secretari
Cardinalis sancti Georgij gepawet. Derselbig ist
mit sampt allem seinem hauffgesind / vnd dem Pal-
last zu grund vnd boden gangen / Dergleichen vill
andere heuser in derselben strassen / vnd ist also das
erdtlich dermassen auffgerissen / das zu besorgen / es
werden noch vil heuser von tag zu tag niderfallen.
Vnd ist eigentlich war / das mer dann hundert heu-
ser zu Rom sind vnterstüzt / das man besorget sie
werden einfallen.

In dem Pallast sanct Gregorij oder Laurentij /
ist das wasser vierzehen stoffel hoch auffgestigen /
dem Cardinal alle sein prouision extrenckt vnd ver-
derbt / Auch durch das gang Rom weyn / korn / vñ
anders / was in den kellern / oder andern niderigen
gemächen gewest / verwüst vnd verderbet / So
man auff das geringest über zehen tausent Sain
korns schatzer.

Des gleichen in den gewelben der Kauffmans-
handlung vnd Kremerey / auch sonst in allem ge-
werbe / an vortrad / prouision / vnd güttern merckli-
chen schaden vnd verderben gethon / Welches ne-
ben anderen iamern vnd trübsalen nit ein geringer
schrecken gewesen ist.

Der Babst ist zu der zeit zu Meliano / a Piacere
gewesen / vnd gen Ostia verrücken wollen / ist das
mör so vngestüm worden / das er besorgt / das was-
ser würd über Ostia gehen / Vnd als er solche auff-
steygung des wassers gesehen / gen Rom die grosse
vngestümmigkeit fliehen wollen / Aber als er auff
den weg künien / ist das wasser dermassen gewach-
sen / dz er weder hinder sich / noch für sich künien hat
mögen / vnd mit den seinen nit geringe not vnd er-
schrecken gelitten / Aber kam weittern schaden ge-
nommen / dan das er schier mit den seinen ertruncken
were / hat also vor gewässer in das Pallast nicht
woll künien mögen / derhalben in der not auff den
berg monto Cauali genant fliehen müssen.

Es hat auch das gewesser ein solchen grossen
wüß von toet vnd vnflut in allen gassen hinder
im gelassen / das man darvor schwerlich handeln
vnd wandern mag / vnd ist zu besorgen / das dar
auß zu Rom merckliche vergiffung vnd sterben
folgen werde.

Man sagt auch / das der grausam windt / so auf
dem mör derselben zeyt entstanden / solcher außflut

vnd gewessers vrsach gewesen / Danner solich
wasser auß dem mör gewaltiglichen in die Tiber
auffwärts getriben / vnd mit mechtigen wällen
für vnd für hinauß gen Rom / vngefehrlich biß in
zwo oder drey teütscher meyl lang geschwelt / Derz
gleichen zuuor nye geschehen.

Es ist auch ein gemayne rede / das zu Rom vnd
auff dem lande mer dann zwölfftausent menschen
ersuffen seyen / Vnd in der statt Rom bey sechs hun
dert heusern eingefallen / vnd grösser schaden ge
schehen / dann wissenlich ist. Gott sey vns gnedig
vnd barmhertzig.

Von dem wunderbarlichen gewesser in Belandt vnd Flandern.

EVch sey wissen vnd kundt / das auff den fünff
ten Nouembriß die wasserflut mit einem star
cken Westwindt komen / vnd grossen schaden ge
thon / Von erst hie gegen Antworff über die Them
oder Schütten in Flandern entzwey gerissen / vnd
alles landt in Flandern voll wassers geloffen / Ist
bey zweyen meylen lauter wisen / darauff vil richs
gewest / ist alles ertruncken / sambt dem volck / so

darauff getwesen/vñ von Antioff auff Perga zu am
wasser hinab vast alle döffer mit sampt dem vich/
menschen/vnd allem so darin gewesen/ertrenckt/zer
rissen/verwüst/vnd ganz vnd gar verderbt.

In Seeland sind auch die Them brochen / vill
volcks vnd vichs auch daselbst ertrenckt / vnd vil
herrschaft im Seeland verderbt / das es zu ewi
gen zeytten ein ertruncken land müß bleiben/do kein
hilff mer ist.

Die stat flussing/do die hering schiff ankunnen/
hat das wasser halb weggeführt. Alda ist vil volcks
auff einen hohen thurn geflohen/sich darauff zu ent
halten/ aber es hat leyder nit geholffen / dann das
wasser hat den thurn auch vmbgestossen/vnd das
volck so darauff gewesen / alles ertrenckt. Armenia
vnd die Ser ist mit grosser nott schwerlich erhalten
worden/ Vnd das wasser ist über alle Thäm ge
lossen / vnd das landt stehet yetzo voll wassers.
Mittelburg hat seer grosse not gelitten/von wegen
der gelegenheit/dieweil das wasser höher ligt/dan
das landt an im selber / Allein die Thäm erhalten
das landt. Vnd wenn das wasser zu der zeyt nur
noch ein halbe stund übersich geflossen wer/sö wer
das ganz Seeland vnd halb Flandern ertruncken
Aber Got hats verhüt. Demnach schlecht alhie alle
essende wahr vmb dopel gelt auff. Es sein alhie zu
Antioff alle Keller voll wassers/Vnd hat in den ge
welben vnd fremen an wahr vnd specereyen/ wie

die genent mögen werden / grossen schaden gethon
Es ist im land hin vnd wider vil volcks auff die
thürn / bäum / vnd berg geflohen / vnd darauff on
alle menschliche hilff hungers gestorben. Die her-
ren von Antioff haben außgeschickt zwey schiff mit
speyß vnd volck / denselbigen menschen / so auff die
berg oder bäum ic. geflohen / zu hilff zu kummen vñ
erredten.

Item man hat vil tausent ertrunckener menschen
gefunden / in manigerley gestalt / auch das ye zu zey-
ten eins das ander mit armen vmbfangen gehabt /
vnd also todt gefunden worden sein.

Endtlich / vnd in summa / die sache ist grösser /
grausamer / vnd erschöckenlicher / dan man schrey-
ben oder sagen kan. Got wöl verrer vns vor schaa-
den behüten / vnd sein gnad geben / Amen.